



**JUDICIAL SYSTEM MONITORING PROGRAMME**  
**PROGRAMA MONITORIZASAUN BA SISTEMA JUDISIÁRIU**

***Komunikadu Imprensa***  
***03 Dezembru 2014***

**JSMP partisipa iha treinamentu kona-ba diplomasia no direitu umanus  
Nepal-Khatmandu**

Maisumenus, durante semana rua resin, hahu husi 3-19 Novembru 2014, Judicial System Monitoring Program (JSMP) partisipa iha treinamentu kona-ba Diplomasia no Direitu Umanus ne'ebé organiza husi *Diplomacy Training Program (DTP)* hamutuk Universidade New South Wales, FORUM Asia no INSEC-*Informal Sector Service Centre* realiza treinamentu ba dala 24 iha Nepal-Kathamandu.

Treinamentu ne'e ninia objetivu prinsipal mak atu fornese kapasitasaun liu-liu iha relasaun ho mekanismu internasional sira no troka esperensia kona-ba situasaun direitu umanus husi nasaun ida-idak iha Asia Pasifiku. Aliende ne'e mos atu kontinua hametin relasaun ne'ebé forte entre defensor direitu umanus sira iha Nasaun Asia Pasifiku.

Partisipante ne'ebé mak partisipa iha treinamentu ne'e hamutuk ema nain 31 husi nasaun 14 hanesan: Nepal, Australia, Timor Leste, Banglades, India, Dubai, Burma-Myanmar, Thailandia, Kambodia, Malasya, Indonezia, Pakistan, Korea do Sul no PNG-Papua New Gunea.

“JSMP haksolok no agreedese tebes bele hetan oportunidade representa hodi partisipa iha eventu inportante ne'e, tanba bele aprende no aumenta koñesimentu kona-ba mekanismu internacionál sira ne'ebé ejiste,” dehan Diretór Ezekutivu JSMP, Luis de Oliveira Sampaio.

Treinamentu durante semana rua resin ne'e aprende materia ne'ebé hato'o husi treinador sira ne'ebé ho esperensia no kapasidade espesializada iha área diferente oi-oin iha área direitu umanus no mekanismu internasional sira ne'ebé eziste. Orador sira ne'e maka hanesan: Prof. Jhon Page, Bijaya R. Gautam, Patric Earle, Josh Copper, Prof. Ranjana Thapa, Prof. Gopal Krishna, Prof. Virgina Dandan no Philip Chung.

Materia sira ne'ebé kobre iha treinamentu ne'e mak hanesan definisaun baziku kona-ba direitu umanus, valor no prinsipiu direitu umanus, *Charter no Treaty Base, Treaty Bodies, Special Procedures, Individual Complain, UPR role play, Vizita no Lobby, Human Rights Defender, Advokasia no estrategia kampaña, inklui mataeria kona-ba Media Skill no Direitu Umanus*. Aliende ne'e partisipante sira halo apresentasaun kona-ba situasaun direitu umanus iha nasaun ida-idak.

Iha oportunidade ne'e, eis Prezidente Timor Leste hanesan mos Fundador *Diplomacy Training Program-DTP*, Dr. Jose Ramos Horta marka prezensa iha sesaun espesial hodi hasoru malu ho partisipante sira, esprika kona-ba prosesu estabele *Diplomacy Training Program*, no oinsa nia kontribuisau ba libertasaun ba Povu Timor Leste nia auto determinasaun.

Treinamentu ne'e ensera ho entrega sertifikadu ne'ebé prepara husi komisaun organizador DTP ba partisipante no treinador sira.

*Diplomacy Training Program (DTP)* hanesan organizasuan naun govermental independente ne'ebé estabese iha tinan 1989 husi Dr. José Ramos Horta Premu Nobel da Paz ho objetivu atu promove direitu umanus, kapasita sosidade sivíl iha Nasaun Asia Pasifiku. Programa ne'e implementa liuhusi edukusaun ne'ebé kualidade, treinamentu no dezvoltamentu skill no kapasitasaun organizasuan naun govermental inklui individu ka ema ne'ebé servisu ba asuntu direitu umanus.

Atu hetan informasaun klean liutan bele kontaktu direktamente ba:

Luis de Oliveira Sampaio

Diretór Ezekutivu JSMP

Diresaun e-mail: [luis@jsmp.minihub.org](mailto:luis@jsmp.minihub.org)

[info@jsmp.minihub.org](mailto:info@jsmp.minihub.org)

telefone: 3323883/77295795

webiste: [www.jsmp.tl](http://www.jsmp.tl)

facebook [www.facebook.com/timorleste.jsmp](http://www.facebook.com/timorleste.jsmp)

twitter: @JSMPtl